



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

0097

891.99  
P-88

Дружество-гравировщиков  
МАСТЕРОВ  
С. В. Ткач - автор  
Дружеская



6 NOV 2011  
11 2 2011

891.99

Թ-88

ԱՄ.

ՅԱՐՈՒԹԻՒՆ ԹՈՒՄԱՆԱՆՑ

№: 9097.

# ՆՈՒԱԳՆԵՐ

Дозволено к продажам в книжные магазины

1007  
1691



Թ Ի Գ Ի Ս

Տպարան Ա. Զուլաթեյանի, Նիկ. փ., № 21

1902

119 APR 2013

31982

ՅՄՆՆԵՐԱՆՈՒՄ ԵՎ ԳՆԱԿԱՆՈՒՄ

1000 20

Գ Յ Տ Գ Մ Կ Ո Տ

Дозволено цензурою, С.-Петербургъ.  
7-го Юня 1902 г.



### Ն Ո Ւ Ը Գ Ն Ե Ր

\* \*

Օ՛, խնդրում եմ, մի նորոգիր  
Իմ մրմնջող վերքերը.  
Մի լիշեցնիր սիրոյ նախկին,  
Երգած ու հին երգերը:

Մի հմայիր ինձ երկնային  
Գոհարափալ աչքերով.  
Մի կաշկանդիր ուշք ու միտքըս  
Քո հիասքանչ պատկերով:

Առանց քեզ էլ ես ցաւ ունիմ,  
Ես վիշտ ունիմ բիւրաւոր.  
Առանց քեզ էլ կուրծքըս տկար,  
Արիւնոտ է, վիրաւոր:

Ես ինչ սրտով սէրըդ երգեմ,  
Երբ եղբայրս հարազատ  
Տառապում է անօգնական,  
Դառը լալիս յուսահատ...

\*  
\*\*

Քեզ ինչ օգուտ, երբ քո սիրուց  
ես հառաչեմ վշտաբեկ.

Քեզ ինչ հաճոյք, երբ դառնագին  
Տանջւեմ գիշեր ու ցերեկ:

Իմ երգով ես գուցէ ուզում  
Գեղութիւնըդ հաչակել.

Իմ վերքով ես գուցէ ուզում  
Փառք ու անուն վաստակել:

Միթէ թշուա բանաստեղծի  
Ցաւոտ սրտի տանջանքը

Պիտի լինի գեղեցկուհու  
Անգուլթ սրտի պարծանքը:

Աղաչում եմ, դու մի լինիր  
Այդքան անգուլթ սնափառ.

Իմ քնարի հնչիւնները  
Խաղալիք չեն քեզ համար:

\*  
\*\*

Բանաստեղծը պիտի լինի մի գօճրով  
Ժողովրդի թարգմանը. մեզ ցոյց է  
Բանաստեղծը պիտի լինի չոյ մեզ  
Հայրենիքի պատգամը:

Վշտի ժամին իր ազգի հետ  
Նա դառնագին պիտի լայ. մի  
Իսկ երջանիկ ըոպէներին  
Պիտի ուրախ նա ժպտայ:

Օ՛ ինչ ծաղր, օ՛ ինչ ծանակ  
Պիտի նիւթեմ ինձ համար,  
Թէ մոռանամ ժողովուրդըս,  
Սէրըդ երգեմ վշտահար:

Բաւական է. գեղութեամբըդ  
Ինձ մի անիր նըշաւակ.  
Գեղութեամբըդ ինձ մի դարձնիր  
Հայրենիքի խորթ զաւակ:

\*  
\* \*

Արդեօք ինչ փոյթ ուրիշներին, ամա՞ր  
Եթէ որ քեզ ես սիրեմ. Ել իրոյս  
Ումըն ինչ գործ, ազգին ինչ շահ.  
Եթէ սրտիդ ես տիրեմ:

Ումըն ինչ գործ՝ թէ չքնադ է՞լ  
Սրտիս սիրած իմ փերին, ամա՞ր ամ  
Մի՞թէ մարդիկ կարօտ են իմ  
Սիրոյ ունայն երգերին:

Առանց այն էլ մեր աշխարհը  
Սիրոյ երգով հեղեղած՝  
Սիրահարի արցունքներով  
Ողողած է ու ցօղած:

Արմենիայի բուրաստանում  
Էլ ոչ մի հատ վարդ չը կայ,  
Որ սոխակի տանջանքներին  
Եղած չ'ըլնի լուռ վկայ:

\*  
\* \*

Ինչպէս որ իմ անուշ վարդը  
Ծաղկանց միջից քաղած է,  
Այնպէս էլ իմ սրտի սէրը  
Արդէն վաղուց թաղած է:

Երբ բոցավառ, մեծ հրդեհից  
Սիրտըս այրւեց, խորտակեց —  
Փլատակների, մոխրի տակին  
Սէրըս հանգաւ ու թաղեց:

Դու, հընախույզ գեղեցկուհի,  
Ի՞նչ ես պարուս իմ սրտում.  
Աւեր սրտիս փլատակները  
Է՞ր ես նորից դու քանդում:

Երկարատե պեղումներից  
Օ՛ մի գուցէ սրտիս մէջ՝  
Մոխրի տակին՝ գտնես յանկարծ  
Սիրոյ մի կայծ դու անշէջ...

\*  
\*  
\*

Մարգարէ չեմ—գուշակում եմ՝  
Խաղ ես խաղում դու ինձ հետ՝  
Դու ուզում ես սիրտըս վառես,  
Որ ծիծաղես այնուհետ.

Որ հրճանքով նայես հեռուից  
Սրտիս բուռըն հրդեհին,  
Որ ինքնագոհ ու բաւական  
Նայես թշւառ քո զոհին:

Օ՛, մի լինիր ներոնի պէս  
Չարախնդաց ու դաժան.  
Գեղեցիկահուն չարութիւնը  
Ոչ վայել է, ոչ արժան:

\*  
\*  
\*

Աղաչում եմ, ó խնդրում եմ,  
Հեռու գնա՛ իմ սրտից.  
Քո գեղութեան ես նայելով՝  
Սարսափում եմ սե մտքից:

Թէ իմ սրտում գտնես մի կայծ  
Եւ դու նորան բորբոքես.  
Թէ իմ սրտում վաղուց հանգած  
Մեծ հրդեհը նորոգես.

Այն ժամանակ թող իմ սիրտը  
Հոսեն բոլոր ծովերը.  
Թող իմ սիրտը հոսեն բոլոր  
Ովկիանի ջրերը:



\*  
\* \*

Մի հըրաշքով թէ յարուժիւն  
Առնի մեռած իմ սէրը,  
Եւ ցաւերիս վերայ բարդւեն  
Իմ նոր սիրոյ ցաւերը, —

Այն ժամանակ դու իմացիր,  
Որ կորած եմ յաւիտեան.

Այն ժամանակ դու ինձ համար  
Ասաց փորեն գերեզման:

Մենք երկուսով սէրըս ու ես՝  
Հողագնդի երեսին

Ձենք կարող մեր գոյու թիւնը  
Պահպանելու միասին:

Սէրըս հզօր, դժնդակ է,  
Սարսափելի, ահաւոր.

Իսկ ես — տկար և ուժասպառ,  
Վշտից յոգնած ու անզօր:

\*  
\* \*

Մի զարմանար, եթէ ընկճեմ  
Թոյլ եղէգի ես նման,  
Բուռն սիրոյ փոթորիկից  
Իջնեմ սառը գերեզման:

Քեզնից առաջ շատերին եմ  
Սիրել, իբրև խելագար.  
Քեզնից առաջ շատ անգամ է  
Տանջւել սիրաբլս ցաւագար:

Բայց այս անգամ կը մահանամ  
Սիրոյ դառն տանջանքից,  
Որովհետև վարդերի մէջ  
Դու չբնաղ ես ամենքից:

Ա՛խ, երանի՛ դու լինէիր  
Մի այլանդակ արարած.  
Ա՛խ, երանի՛ դու լինէիր  
Վայրի ծաղիկ թառամած:

\*  
\* \* \*

Դ՛ո՛ւք, անօթի, անտուն, անտէր,  
Անօգնական եղբայրներ,  
Դ՛ո՛ւք, մութ բանտի սոված, ծարաւ  
Շղթայակալ գերիներ:

Դ՛ո՛ւք, տարաբաղդ ամուսնութեան  
Թշուառ զոհեր ողբալի,  
Դ՛ո՛ւք, գահավէժ, բաղդակորոյս,  
Հէգ իշխաններ վշտալի:

Դ՛ո՛ւք, որդեգուրկ, լալահառաջ,  
Անմխիթար ծնողներ,  
Դ՛ո՛ւք, աշխարհի բոլոր դժբաղդ,  
Յուսահատուած սղւորներ —

Ձեր վշտերը, ձեր ցուերը  
Եթէ ձուլէք միասին,  
Ձեն հաւասար լինիլ նոքա  
Վշտիս փոքրիկ մի մասին:

\*  
\* \* \*

Նա, որին մենք նէ ենք ասում,  
Ու խոնարհում առջին,  
Նա, որ երբէք չէ ունկընդիւր մաշ  
Բանաստեղծի հառաչին —

Անզրթաբար մտաւ սիրտը,  
Շարժեց նորա թեղերը,  
Չքնաղութեամբ ինչ հըմայեց,  
Վառեց նախկին իմ սէրը:

Դ՛ո՛ւք, տարաբաղդ սիրահարներ,  
Եկէք կազմենք հանուր սուգ,  
Եկէք ողբանք ի միասին,  
Թափենք ազի արտասուք:

Մեր բոլորի ցուր մէկ է,  
Օ՛ եղբայրներ վշտահար,  
Եկէք սփոփենք, եկէք սիրտ տանք,  
Մըխիթարենք մենք իրար:

\*  
\* \*

Երբ լուսինը գեղածիծաղ՝  
Ամպերի մէջ լողալով՝  
Հանդարտ ու վեհ ընթանում էր,  
Արծաթի պէս շողալով, —

Պատշգամբում, գետի ափին,  
Նստած էինք երկուսով:  
Ոչ ոք չը կար: Գեղ լուսնեակն էր  
Միայն ներկայ իր լուսով:

Գուհիացած՝ ուրախ, զըլարթ՝  
Նայում էիր երկնքին,  
Իսկ ես տխուր՝ նայում էի  
Հրեշտակային քո դէմքին:

Եւ այդ դառն տանջանքներիս  
Խորհրդաւոր գիշերը  
Ուզում էի մի վարդ քողել,  
Բայց ծակեցին փըշերը...

\*  
\* \*

Գեղեցկուհի, բառ եմ ուզում —  
Բառարանում բառ չը կայ:  
Զքնաղ փերի, տառ եմ ուզում —  
Տպարանում տառ չը կայ:

Օ՛, խնդրում եմ, բառեր տւէք —  
Պատմեմ անհուն իմ սէրը,  
Աղաչում եմ, տառեր տւէք —  
Տպեն սիրոյս վէպերը:

Սէրըս անգուսպ, սէրըս բունն,  
Սէրըս մեծ է ու հսկայ,  
Նորա տխուր պատմութեանը,  
Նորա վէպին վերջ չը կայ:

Թէ վիթխարի, սէգ լեռները  
Թղթերի կոյտ դառնային,  
Իսկ ծովերի ջուրը՝ մեւան —  
Զէին բաւիլ իմ վէպին:

\*  
\*\*

Երբ ժպտում էր ուրախ, զգարժժ  
Գեղ գարունը կենսատու —  
Շուշանների, վարդերի մէջ  
Կանգնած էինք ես ու դու:

Նախշուն հաւքի երամները  
ձախրում էին, երգ ասում:  
Բիւրեղափայլ բուսակները  
Հոսում էին ու խօսում:

Ինչ փնջեցիր անուշաբոյր  
Ծաղիկները խնդալով  
Ու նայեցիր մեղամաղձոտ  
Իմ երեսին ժպտալով:

«Ծաղիկներից ո՞րն ես սիրում»,  
Հարցրիր դու ինձ մեզմ ու հեզ:  
Պատասխանըս այսպէս տրւի.  
— Ես սիրում եմ միայն քեզ...



Տիկիները, օրիորդներ՝  
Զուգուցած վերջին տարազով՝  
Խնջոյքի մէջ նստած էին  
Գեղաժպիտ ու նազով:

Շուրջը կերպաս, դիպալ, թաւիչ,  
Պէս-պէս ըզգեստ ու հովհար.  
Շուրջը ծաղիկ, անուշ բուրմունք,  
Թարմութիւններ ու գոհար:

Ղամբարափայլ դահլիճի մէջ  
Կեանքը եռում, թնդում էր.  
Ամենայն մարդ շուք ու փայլից  
Ուրախանում, խնդում էր:

Բայց երբ յանկարծ դու ներս մտար —  
Ամենքը քեզ նայեցին,  
Նախանձելով քո գեղութեան՝  
Ախ քաշեցին, լուեցին...

1001  
1691



\*

\*\*

Թո՛ղ թառամեն բուրաստանի  
Շուշանները, վարդերը.

Թո՛ղ չըքանան գարնանային

Ըսքանչելի վարդերը:

Ես վարդ ունիմ, ես զարդ ունիմ,  
Ծաղիկ ունիմ նոր ծաղկած—

Նախշուն, սիրուն, ծաղկափթիթ

Գարուն ունիմ նոր բացած:

Չքնաղ փերիս, անգութ հիւրիս

Վարդ ու զարդ է ինձ համար.

Իմ նուշ-եարը, իմ փուշ-եարը

Այ ծաղիկ է ինձ համար:

\*  
\*\*

Օ՛, երկնքի մալիլ ամպեր,  
Կուտակեցէք միասին,  
Սփռէք մթին ձեր սև քօղը,  
Ծածկէք արև ու լուսին:

Մըռայեցրէք դուք շողշուղուն,

Վառ աստղերը բիւրաւոր,

Մըռայեցրէք դուք երկնային

Կանթեղները լուսաւոր:

Թո՛ղ ամեն տեղ թագաւորի

Սկզբնական խաւարը.

Թո՛ղ մշուշը քասսական

Պատի՛ ամբողջ աշխարհը—

Գեղեցկուհուս դէմքի փայլը

Բաւական է աշխարհքին.

Նորա պայծառ, հուր-աչերը

Բաւական են երկնքին:

\*  
\* \*

Երնէկ կուրծքըս մի լեառ լինէր,  
Իսկ դու՝ մի ամպ երկնային,  
Որ լուալով՝ գաս վերևից,  
Փարւես կարօտ իմ կրծքին:

Երնէկ կուրծքըս երկինք լինէր,  
Իսկ դու՝ պայծառ, վառ աստղիկ,  
Որ շողալով կրծքիս վերայ,  
Լինես սրտիս դու մօտիկ:

Երնէկ կուրծքըս ծաղկոց լինէր,  
Իսկ դու՝ բացւած, անուշ վարդ,  
Որ իմ կրծքին խոնարհւելով՝  
Հանգիստ առնես դու հանդարտ:

Երնէկ սիրտըս մի ծով լինէր  
Իսկ դու՝ մի ջինջ, յստակ գետ,  
Որ հոսելով՝ գաս, միանաս,  
Խառնես կարօտ սրտիս հետ...

\*  
\* \*

Իմ հարազատ, հէգ եղբայրը  
Հառաչում էր ու լալիս,  
Յուսահատուած հեկեկում էր,  
Թշառ գլխին վայ տալիս:

Նորա դառը տանջանքներից  
Սիրտըս ցաւեց ու այրւեց,  
Նորա ողբից լոյս երկինքը  
Գլխիս մթնեց, խաւարեց:

Քեզ խնդրեցի, չքնաղ փերի,  
Որ վշտերըս ամօքես.  
Աղաչեցի, որ քո սիրով  
Իմ ցաւերը ըսփոփես:

Բայց, ó անգուլթ, դու մնացիր  
Լեռ քարի պէս անտարբեր.  
Սառնութեամբբըդ ցաւիս վերայ  
Աւելացրիր նոր ցաւեր:

\*  
\* \*

Ախ, մինչև երբ թողնես դու ինձ  
 Այսպէս հիւանդ ու տանջւած.  
 Ախ, երբ պիտի խղճաս դու ինձ,  
 Բուժես սիրտըս խոցուած:

Դու ծաղկել ես, դու բացւել ես,  
 Դու ալ վարդ ես անմամն.  
 Անուշակ ես, մանուշակ ես,  
 Դու շուշան ես ու ուէ հան:

Բացւած վարդըն ու ծաղիկը  
 Պիտի սիրւի, փայփայլի.  
 Պիտի նա իր սիրահարի  
 Կրճ քին դգլի ու փարւի:

Թէ որ պիտի ինձ թողնէիր  
 Այսպէս կարօտ ու այրւած,  
 Ել ո՛ւմ համար դու ծաղկեցիր  
 Ու բացւեցիր, անասուած:

\*  
\* \*

Արեգակի ջերմութիւնից  
 Սառուցները հարու՛մ են  
 Եւ դժնդակ ձմեռային  
 Ցուրտ օրերը անցնում են:

Թէ մօտ լինեն մեր սրտերը  
 Եւ իրար հետ միացած -  
 Ջերմութիւնից կը տաքանայ  
 Քո սիրտը պաղ ու սառած:

Ինչպէս գարնան տաք արևից  
 Արթնանում է անտառը,  
 Արթնանում է ձմրան քնից  
 Սառած, թմրած աշխարհը. --

Այնպէս էլ քո սրտի սէրը  
 Խորը քնից կ'արթնանայ,  
 Եթէ քո պաղ, սառը սիրտը  
 Ջերմ սրտիս հետ միանայ:

\*  
\*\*

Այն օրւանից, երբ քո փայլուն,  
Հուր-աչերի նետերը  
Թափանցեցին իմ յոգնատանջ,  
Տկար սրտի խորքերը —

Իմ արիւնքս կրծքի միջին  
Խորունկ վերքեր բացւեցին,  
Բայց վերքերըս մինչև օրըս  
Անբուժելի մնացին:

Եւ կը մնան նոքա անբուժ  
Մինչև սառը գերեզման.  
Հողի տակին լաւերժական  
Նինջը կ'ըլնի ինձ դարման:

Երբ կը ննջեմ, ո՞ մի գուցէ  
Երբ միս մօտով դու անցնես  
Եւ ըզգեստիդ անուշ ձայնով  
Նորից դու ինձ արթնացնես...

\*  
\*\*

«Աստ, պօէա, — հարցնում են ինձ.  
Իրաւ՝ ունի՞ս դու փերի,  
Թէ լոկ ունայն երգում ես դու՝  
Առանց սրտի լարերի»:

— Մի՞թէ ծովը առանց հողմի  
Կը փոթորկւի ու կ'եռայ.  
Մի՞թէ երկինք առանց ամպի  
Կը զզրգայ, կը գոռայ:

Առանց յոյզի, առանց վշտի  
Մի՞թէ արցունք կը հոսի.  
Առանց լեզւի ու բարբառի  
Մի՞թէ մարդս կը խօսի:

Մի՞թէ առանց արեգակի  
Կը տաքանայ աշխարհը.  
Մի՞թէ կ'երգի առանց լարի  
Բանաստեղծի քնարը:



\*  
\* \*

„Քաւականն է. լռիք, երգիչ, —  
 Ասաց ինձ իմ ընկերը.  
 Քանի տանջւես, քանի ողբաս,  
 Թո՛ղ քո սիրոյ երգերը:

„Քո սառնասիրտ գեղեցիկուհուց —  
 Օգուտ չ'ունես դու իսպառ.  
 Դու աշխատիր վաստակելու  
 Ոսկի, արծաթ ու գոհար:

«Հարստութեան մէջ կը գտնես  
 Սրտիդ միակ ըսփոփանք.  
 Սիայն փողի մէջ կը գտնես  
 Մըխիթարանք ու բերկրանք...»

—Անմիտ ընկեր, մի՛թէ փերիս  
 Հարուստ գանձ չէ ինձ համար.  
 Մի՛թէ նորա հուր-աչերը  
 Անգին քար չեն ու գոհար:

\*  
\* \*

Թէպէտ երգըս բարձրալուր է,  
 Հանրահռչակ ու յայտնի,  
 Բայց երգիս մէջ իմ դեցուհին  
 Սքողած է ու գողտնի:

Գեղեցիկուհի ծանօթներըս  
 Լսում են իմ երգերը,  
 Կասկածանքով ու մտատանջ  
 Կարգում սիրոյս վէպերը:

Եւ ամեն մի գեղեցիկուհի  
 Անցէ կացնում իր մտքով՝  
 Չը լինի թէ բանաստեղծը  
 Ինձ է երգում իր երգով:

Իսկ դու, անզու՛թ, դու, քարասերտ,  
 Ոչ իմ երգը հասկացաք,  
 Ոչ մտքովըդ դու անց կացրիք,  
 Որ երգում եմ քեզ համար:

\* \* \*

Կուրծքըս մաշող, սիրտըս այրող  
 Սիրոյ հուրը բորբոքեա՞ծ  
 Սիայն սառը հողի տակին  
 Կըլնի մարած ու հանգած:

Եւ երբ սիրտըս՝ շիրմիս նման՝  
 Կը սլաղի իմ մահից յետ,  
 Քո անտարբեր, սառը սիրտը  
 Գուցէ վառւի այնուհետ:

Այն ժամանակ լալահառաջ՝  
 Գուցէ շիրմիս մօտենաս,  
 Ջերմ արցունքով իմ աճիւնը  
 Ողողես ու լըւանաս:

Եւ յուսահատ գուցէ ասես.  
 „Օ, Յարութիւն, Յարութիւն,  
 Երանի՛ թէ գերեզմանից  
 Ելնես, առնես յարութիւն...“

\* \* \*

Մռայլ, խաւար ամպերը չեն  
 Ջինջ երկինքը մթնացնում.  
 Այդ անողոք, դառը վիշտն է  
 Տանջւած սիրտըս սեւացնում:

Մութ, ամպամած երկինքը չէ  
 Բարձր թնդում, որոտում.  
 Այդ սիրատանջ, յուզւած սիրտն է  
 Անվերջ տրոփում, բաբախում:

Հողմաստասան ու փրփրադէզ  
 Ծովերը չեն փոթորկում.  
 Այդ ալեկոծ, սիրաբորբոք  
 Իմ վառ սիրտն է բորբոքում:

Արաքսը չէ յորձանք տալով՝  
 Իր ափերը հեղեղում.  
 Այդ իմ աղի արտասուքն է  
 Կրծքիս վերքը ողողում:

մէջ զգոյ՝\* \* \* դաւաժ յլաւ Մ  
 Երբ մեր անգղձի բերան արածա թլմ  
 Կերգի սիրտը երգերըս. այժմ ճաշանձ  
 Երբ ամեն տեղ երգերիս մէջ  
 Կը տեսնեն իմ վէրքերըս. . . յլաւ Մ  
 Որքան ծանր նախատինքներ զիս թլմ  
 Ու կշտանքանք կը տանք բեզ, չգմիսմ  
 Որ իմ սիրտը ջլատեցիր  
 Ու ինձ արիւր սիրակէզ: մտասանքո՛ւ  
 Եւ ամբօսի կշտաբանքը ծոխմա թլմ  
 Կը մնայ, իբրև մի բողոքիս սախ նի  
 Երկնը դարեր կը մեղադրեն  
 Գեղեցկու հոգի անողոք: էջ յսցալմ  
 Գեղեցկու զգոյ՝\* \* \* զգոյ՝\* \* \* զգոյ՝\* \* \*

\* \* \*

Թող ծանակեն անբազաները օգա-դա՛ւ  
 Ու ինձ կոչեն մի գրչակ  
 Թող խորանկի քննադատը աւ թլմ  
 Իմ քնարը գրչի տակ: իմ թլմ  
 Թող աշխարհի երգիչները յաւ թլմ  
 Ծաղր նիւթեն ինձ համար. մտասանք  
 Թող իմ չըկամ ընկերները աւ թլմ  
 Ոտնահարեն անգաղար: իմ թլմ  
 Թող օխերիմ իմբազիրը աւ թլմ  
 Լուտանք թափի իմ գլխին. . . թլմ  
 Հնգ չէ բնաւ. ես անտարբերալ թլմ  
 Կը համբերեմ ամենքին: իմ թլմ  
 Միայն թէ դու չը սարսաւես, զգոյ՝  
 Ականջ դնես երգերիս. իմ թլմ  
 Միայն թէ դու ինձ հասկանաս, թլմ  
 Մի ճար անես վէրքերիս: իմ թլմ

\*  
\* \*

Հուր-արեգակի, լոյս-արուսեակի,  
Ի ու աննման ալ աղջիկի,  
Զարդ ու զարգար, ակունք, գոհար,  
Ի ու իմ անգին լալ-աղջիկ.

Թէ ուզում ես իմ սիրայինս  
Նրւագները ընդհատեմ,  
Թէ ուզում ես՝ քեզ յաւիտեան  
Արհամարեմ և ատեմ—

Սիրիւր դու ինձ, փարւիւր կրճքիս,  
Որ քեզ այրեմ իմ հրով,  
Որ կլանեմ թարմութիւնըդ,  
Թառամեցնեմ համբոյրով:

Երբ թառամես—էլ չեմ երգիլ,  
Քեզ իմ սրտից կը պոկեմ,  
Եւ ինձ համար բուրաստանից  
Մի նոր ծաղիկ կը ջոկեմ...

Վ Ե Ր Գ Ս Ո Ւ Դ Ե Ր Գ Ս

Անուշաբոյր ծաղիկներեց  
Միայն վարդը սիրեցի,  
Իմ ցաւագար, տանջաւած սրտից  
Նորան երգեր ձօնեցի:

Սակայն անգութ, անուշ վարդը  
Ականջ չ'արաւ երգերիս,  
Նա չը սփոփեց սրտիս զարդը,  
Իարման չ'արաւ վերքերիս:

Սիրաբորբոք ու յուսահատ՝  
Ես լաց եղայ, ողբացի,  
Արցունքներով իմ յորդառատ  
Քնքոյշ վարդը թրջեցի...

—Անմիտ երգիչ, ինչ ես լալիս,  
Արցունքներով ինձ ցօղում.  
Ե՞ր ես լալիս ու վայ տալիս,  
Սիրաւրդ է դուր վրդովում:

Քեզ համար չէ անուշ վարդը,  
 Քեզ համար չէ նա բացւել.  
 Ծաղիկների շքեղ զարդը  
 Քեզ համար չէ փթըթել:

Ինձ կը քաղի մեծատունը  
 Քոհարներով ու ոսկով,  
 Ինձ կը տանի նա իր տունը,  
 Կը պահպանի խնամքով:

Ես կը բազմեմ շքեղազարդ  
 Ու փառահեղ դահլիճում,  
 Ես կը ժպտամ ուրախ, զըլարթ  
 Ոսկեջրած բաժակում:

Շուք ու փայլով շրջապատւած՝  
 Ես կը հրճւեմ խնդազին,  
 Իսկ դու, պօէտ, վարդից զրկւած՝  
 Ի գուր կը լսս ողբազին...

սցրամ Գլխա , ԳՅԳԳ ԾԱՆՈՒՄ  
 րամբ ԳՆՈ  
 սցրամ Գլխա , սցրամ Գլխա  
 րամբ ԳՆՈ \* \* \*

Ծաղկոց մտայ — սիրտըս էրւած,  
 Եարոտ էր.  
 Եարոտ սիրտըս ազիզ եարիս  
 Կարօտ էր:

Ազիզ եարիս ձէն տըւեցի —  
 Զէն չը կար,  
 Ծաղկանց միջին անուշ վարդըս  
 Էլ չը կար:

Անգուլթ եարըս սրտիս հետը  
 Խաղ արեց,  
 Թողեց, գնաց, իմ ջիգեարը  
 Դաղ արեց:

Երգիչ դարձայ, պտըտեցի  
 Սար ու քար,  
 Զէն տըւեցի — անուշ վարդըս  
 Էլ չը կար:

Աստուծ սիրէք, ասէք՝ եարրս  
Ու՞ր գնաց.

Ազիզ եարրս, անուշ վարդըս  
Ու՞ր մնաց:

Էն ին՛չ զուշ է էն ոսկեպատ  
Վանդակում,

Էն ին՛չ վարդ է ոսկեջրած  
Բաժակում:

Ա՛խ, էն հիւանդ իմ խեղճ եարն է  
Բանտարկւած.

Ա՛խ, էն թշւառ իմ ալ վարդն է  
Թառամած:...

*[Faint mirrored bleed-through text from the reverse side of the page]*

Ես չեմ երգում, որ իմ երգով  
Ըսքանչանայ աշխարհը,  
Որ անթառամ դափնիներով  
Պրսակեն իմ թընարը:

Մարդկանց դափնիին ու ովսանան  
Ձեն բուժիլ իմ ցաւերը.—  
Ցաւոտ սրտիս դեղ ու զարման  
Կը լինի լսիլ քո սերը:

*[Faint mirrored bleed-through text from the reverse side of the page]*

\*  
\*  
\*

Գնաց... Թռակ ոսկեփետուր  
 Իմ զուշը,  
 Տարաւ հետը գլխիս խելքը  
 Եւ ուշը:  
 Էլ երկնքում չը կայ պայծառ  
 Աստղիկըս,  
 Էլ ծաղկոցում չը կայ անուշ  
 Ծաղիկըս:  
 Երկինքը մոլթ, ամպամած է  
 Ու խաւար.  
 Ծաղկոցը չոր ու խոտան է  
 Ինձ համար:  
 Ա՛խ, ին՛չ անեմ—իմ ծաղիկը  
 Քաղած է.  
 Մի ճար արէք—սիրտըս էրլած,  
 Գաղած է:  
 Լաց եմ լինում, բայց ցամաք եմ  
 Աչքերըս—  
 Արցունք չը կայ, որ ամոքեմ  
 Վշտերըս:

Թ Օ Յ Ն Ա Ծ Վ Ա Ր Դ Ը

Այդ քնարի հնչիւնը չէ  
 Քեզ կախարդում, հմայում.  
 Այդ պօէտի երգերը չեն  
 Լսելիքըդ փայփայում:  
 Կայ քեզ համար մի աւելի  
 Անուշիկ ձայն դիւթական.  
 Օ, քեզ համար նա բոլորից  
 Գեղեցիկ է, դուրեկան:  
 Այդ՝ շողշողուն ոսկիների  
 Հնչիւններն են քեզ դիւթում.  
 Գորշ, հրապուրիչ այդ մետաղն է  
 Խելք ու միտքըդ, կաշկանդում:  
 Հեռու, հեռու, ո՛վ նիւթապաշտ,  
 Ստոր տենչով լցւած կոյս.  
 Էլ չեմ երգում, էլ ինձանից  
 Դու մի սպասիր ոչ մի յոյս:  
 Չքնաղ էիր—այժմ, աւաղ,  
 Այլանդակ ես ինձ համար.  
 Դու մի բացւած ալ-վարդ էիր,  
 Այժմ իսպառ թօշնեցար...

## II

Կայիր ահա այն վիթխարի  
 Աշտարակին ահաւոր—  
 Խոժոռադէմ կանգնած է այն՝  
 Իբրև տխուր սգաւոր:  
 Այնտեղ տխուր նստած է լուռ  
 Մի աբեղայ դառնացած,  
 Իր միաբան ընկերներէց  
 Անջատւած ու բաժանւած:  
 Ձէր մասնակից երեկոյեան  
 Ժամերգութեան տաճարի—  
 Բազմախորհուրդ նստած է նա  
 Աշտարակում վիթխարի:  
 Աղօթք, մաղթանք, ժամերգութիւն  
 Ձէին նորան հրապուրում, —  
 Նա յուզւած էր և այլայլւած...  
 Աղօթք անել չէր կարում:

## III

Ի՞նչպէս, ի՞նչպէս աղօթք անի  
 Սրտով յուզւած, վիրաւոր,  
 Երբ ամեն տեղ լուռւմ է լաց  
 Ու հառաչանք բիւրաւոր,

Ի՞նչպէս նստի մենաստանում  
 Նա անտարբեր ու խաղաղ,  
 Երբ պարսիկը հիմնադատակ  
 Կործանում է Ղարաբաղ,  
 Երբ Փանահ-խան հայ աշխարհի  
 Սրտում գրած իր բոյնը,  
 Օձի նման՝ թափում է խեղճ  
 Հայի գլխին իր թոյնը:  
 Բաւական է... Ել չի կարող  
 Մնալ այստեղ սուրբ հայրը—  
 Թողնում է նա մենաստանը,  
 Սրբանըէր իր վայրը:

## IV

«Մնաք բարեաւ, ո՞վ սուրբ տաճար  
 Եւ Քրիստոսի սուրբ սեղան», —  
 Աշտարակը թնդացնելով՝  
 Գոչեց յուզւած արեղան, —  
 «Թո՛ղ այսուհետ՝ սուրբ խաչի տեղ՝  
 Ձեռիս սուրբ շողջողայ,  
 Իմ մահաբեր, ահեղ սրից  
 Թո՛ղ թշնամին դողդողայ:  
 Արիւնավրէժ կրօնաւորիս  
 Թո՛ղ նախատեն ամենքը—



Ես մինչև մահ ու կտրադան ձրւմ  
 Ել չեմ թողնելիմ գէնքը ամ  
 Թող ինձ կոչեն ինն(թ արեղայ<sup>1</sup>),  
 Ինձ ծանակեն աշխարհում — աւելո՞ւ  
 Պիտի անվերջ արիւն թափեմ՝ զգց  
 Ռազմի ահեղ դաշտերում: Եւ առաջ  
 Ել այսուհետ՝ չեմ լսելու մտնմ վճ  
 Զանգակների զօղանջիւն — սլլր վրձ  
 Զանգակի տեղ՝ պիտի լսեմ մտնմ  
 Հրացանների շառաչիւն: Եւ առաջ  
 Սուրբ տաճարի անուշահոտի մտնմ  
 Կնդրկի ու խնկի տեղ՝ զձայնացց  
 Լոկ մահաբեր վառօդի հոտ  
 Պիտի շնչեմ ամեն տեղ:  
 Ընկերներըս, եղբայրներըս  
 Կ'ըլնեն ոչ թէ սուրբ հայրեր,  
 Այլ ահաւոր և աննկուն սատկո՞ւ  
 Նիգակակից հայ քաջեր: Եւ առաջ  
 Թող իմ վարձը լինի ոչ թէ՛ զմտնմ  
 Սուրբ օրհնութեան կոնգակը, բո՞ւ  
 Այլ ոխերիմ ու գարշելի սպանմ  
 Մեր թշնամու գնդակը... Եւ առաջ

Կէս գիշերին գեղ լուսինը՝  
 Սմպերի մէջ լողալով՝  
 Հանդարտ ու վեհ ընթանում էր,  
 Արծաթի պէս շողալով:  
 Շուշայ բարձր, գոռոզ բերդը՝  
 Մինչև երկինք վերացած՝  
 Լուսնեակի տակ մըրափում էր,  
 Հսկայի պէս՝ լուռ կանգնած:  
 Գարգար գետը բերդի տակին՝  
 Բարձրամըմունջ վշշալով՝  
 Ըշտապում էր Թարթարի մօտ,  
 Քարափները մաշելով:  
 Քարափները երկու կողմից  
 Կամարի պէս՝ կըռացել,  
 Գետի վերայ ապառաժոտ  
 Կամուրջ<sup>2</sup>) էին կառուցել:  
 VI  
 Կամուրջի մօտ կէս գիշերին  
 Մի վիթխարի ձիաւոր՝  
 Գաժան դէմքով դիտում էր լուռ  
 Հսկայ բերդին ահաւոր:

Լուսնեակի տակ շողում էին  
 Նորա փայլուն զէնքերը.  
 Ահ ու սարսափ էին թափում  
 Նորա ահեղ աչքերը:  
 Նա կտրել էր բերդի ճանքան,  
 Արթուն աչքով միշտ հսկում.  
 Նորա ահից այն կողմերով  
 էլ պարսիկ չէր անց կենում,  
 Այնտեղ արդէն ճանապարհին  
 Այն սեպացած ժայռի մօտ՝  
 Թափւած էին պարսիկների  
 Իրականերն արիւնոտ:

## VII

Շուշւայ բերդում քնած էին  
 Զօրապետ ու զօրական.  
 Սակայն այնտեղ իր պալատում  
 Գեռ արթուն էր Փանահ-խան:  
 Ողջ գեշերը նստած էր նա —  
 Քուն չէր գայիս աչքերին.  
 Այլայլւած էր և անձնատուր  
 Մռայլ ու սև մտքերին:  
 Օձի նման՝ ներս սողալով  
 Հայ աշխարհը որբացած,

Հայ աշխարհի սրտի միջին  
 Որդնի նման՝ բուն դրած —  
 Այժմ նստած՝ տանջւում էր նա  
 Սև մտքերից բերաւոր...  
 Գառը վիշտը կեղեքում էր  
 Սիրտը յուզւած, վիրաւոր:

## VIII

Այդ ի՞նչ ծանր քար էր ճնշում  
 Խանի սիրտը բարբարոս.  
 Ո՞վ էր մաշում նորա հոգին  
 Սմբարտաւան ու գոռոգ:  
 Այդ քաջ Դալի-Մահրասան էր —  
 Այն աբեղան ահաւոր,  
 Որ թուրքերի արեան գետով  
 Հեղեղում էր սար ու ձոր:  
 Բերդի տակին, գեշեր-ցերեկ  
 Կտրած Մազե-Կամուրջը,  
 Իր զինակից քաջերի հետ  
 Ահ էր սփռում նա շուրջը:  
 Այն օրւանից, երբ հեռացաւ  
 Եղիշէի<sup>3</sup>) սուրբ վանքից,  
 Սուրբ ձեռին՝ քանի՛-քանի՛  
 Թուրքի զրկեց իր կեանքից:

Քանի՛-քանի՛ պարսիկ զինոր  
 Գնդակահար նա արաւ.  
 Քանի՛ սէյիդ նա կոտորեց  
 Բանաում սոված ու ծարաւ.  
 Քանի՛-քանի՛ մօլլա, ղէրվիշ  
 Քաշեց, տարաւ մութ ձորը  
 Ու պատառեց իր կեռ թրով  
 Նոցա սիրտըն ու փորը:  
 Քանի՛ պարսիկ զօրապետներ  
 Կախեց ծառին պարանով.  
 Քանի՛ անգամ Գարգար գետը  
 Ներկեց կարմիր արիւնով...  
 Քանի՛ անգամ նորան փորձեց  
 Կործանելու Փանահ-խան,  
 Սակայն ի զնւր... Մնաց անյաղթ  
 Հայոց հզօր արեղան:

## IX

Առաւօտեան, երբ երկինքը  
 Յուզւած՝ իբրև հրեղէն ծով՝  
 Դալարազարդ սարի գլխին  
 Բռնկեցաւ ալ բոցով—  
 Մինարեթի գլխից հնչեց  
 Մուհամէդի ազանը.

Յողնած՝ չոքեց աղօթելու  
 Շուշուայ բերդի գագանը:  
 Աղօթում էր նա Ալլահին,  
 Որ զօրութիւն տայ իրան՝  
 Հայոց ազգը կործանելու  
 Ու ջնջելու յաւիտեան:  
 Աղօթում էր նա Ալլահին,  
 Որ երկինքը պատառի  
 Ու շանթահար անի վերից  
 Մահրասային քաջարի:

## X

Մեծ խորհուրդ կայ այսօր բերդում:  
 Վշտամուրթ թուրք խանը,  
 Յենւած փափուկ, թաւշէ բարձին՝  
 Ծխում էր իր ղալանը:  
 Խանի առաջ կանգնած էր մի  
 Հլու, խոնարհ մանկաւիկ,  
 Կրակի համար գօտկի միջին  
 Խրած ոսկէ ունեւիք:  
 Ներկայ էին Փանահ-խանի  
 Զօրքի բոլոր պետերը,  
 Ներկայ էին պարսից յայտնի  
 Մօլլաներ, մեծերը.

— քիչսոյ քչառչոյ նամբեցաւ 4

Խանի կողքին, ծաղկանկար ծամքոց  
 Գորգի վերայ լուռ բազմած՝  
 Մտածում էր հայոց Մելիք  
 Շահնազարըն ազգուրաց:

## XI

Այն օրւանից, երբ Շահնազար  
 Դաւաճանեց հայ ազգին,  
 Իր սեփական Շուշույ բերդը  
 Տըւաւ լպիրշ, ժանտ պարսկին—  
 Գիշեր-ցերեկ միշտ անձնատուր  
 Փանահ-խանին ոխերիմ,  
 Դարձաւ նորա սրտին մօտիկ  
 Բարեկամը մտերիմ:  
 Այժմ նստած խանի կողքին՝  
 Պալատումը փառաւոր,  
 Հայի համար նա լարում էր  
 Որոգայթներ նորանոր:  
 Այնտեղ էր և հայի մատնիչ՝  
 Խաչէնի զեղիս Միրզախան,  
 Որին, իբրև վարձատրութիւն,  
 Մելիք կարգեց Փանահ-խան:

## XII

Մտածում էր խանը երկար,  
 Հարցնում խորհուրդ բոլորից—

Ի՞նչպէս Դաւիթ-Մահրասպին  
 Ջնշի խալառ աշխարհից:  
 Խնդրում էր նա իր հնարագէտ  
 Մօլլաներին սըրամիտ,  
 Որ հնարքներից հիւսեն ուռկան,  
 Որսան «հային շարամիտ»:  
 Խորհուրդ էին անում երկար  
 Մօլլաներն ու խանը,  
 Սակայն չէին կարում հիւսել  
 Մահրասպի ուռկանը:  
 Խորհուրդ էին անում նորա,  
 Երկար տալիս խելք-խելքի,  
 Բայց խորհուրդը մնում էր միշտ  
 Դարձեալ առանց մի ելքի:

## XIII

«Պարտքըս լինի, — կուրծքը ծեծեց  
 Շահնազարը դաւաճան.—  
 Իմ սրբազան պարտքը լինի,  
 Որ այդ գործին տամ վախճան:  
 Ամեն հնարք, ամեն միջոց  
 Գործ կը զնեմ անսպառճառ,  
 Որ գարշելի արեղային  
 Ինքըս պատժեմ չարաչար:

Մեր աշխարհի հզօր խանը  
 Թող լինի ողջ, անսասան,  
 Ես չեմ թողնիլ, որ կենդանի  
 Մնայ լպիրշ Մահրասան:  
 Գուք ամենքդ հանգիստ կացէք,  
 Անհոգ կացէք ու խաղաղ,  
 Ամեն բան իմ ձեռքիս կը գայ,  
 Վրկայ է ողջ Ղարաբաղ:  
 «Ես այն Մելիք-Շահնազարն եմ,  
 Որ իր սրով ահաւոր  
 Իշխեց ամբողջ Վարանդային  
 Ու նրաճեց սար ու ձոր,  
 Ես այն Մելիք-Շահնազարն եմ,  
 Որի բերդին անառիկ  
 Չէ յանդգնում մերձանալու  
 Խամսայի ոչ մի մելիք:  
 Ես այն Մելիք-Շահնազարն եմ,  
 Որից ոչ թէ արեղայ,  
 Այլ մեր ամբողջ հայաց ազգը  
 Կը սարսափի, կը դողայ:  
 Այնպէս ջարդեմ, այնպէս փշրեմ  
 Մահրասայի պօսրոզը,  
 Որ աշխարհից անհետանայ  
 Նորա իզըն ու թողը»

## XIV

— «Այ մաշալլա, այ աֆարըմ  
 Մեր քաջ Մելիք-Շահնազար,  
 Գուցեց խանը.— չը կայ ոչ ոք,  
 Որ քեզ լինի հաւասար:  
 Ոչ Իրանում, ոչ Թուրանում  
 Իգիթ չը կայ քեզ նման:  
 Սաղ աշխարհի իգիթները  
 Թող նախանձեն քո անւան:  
 Այն օրւանից, երբոր դարձար  
 Իմ ջուխտ աչքի դու լուսը—  
 Քեզ վերայ է եղել միայն  
 Սրտիս բոլոր իմ լուսը:  
 Հայ տեղովըդ դու եղել ես  
 Իմ աջ թևըն ամեն օր:  
 Միշտ եղել ես դու թուրքերիս  
 Բարեկամը մերձաւոր»:

## XV

Պըլը-Պուղին<sup>4</sup>), Շահնազարի  
 Խեղկատակը սիրելի,  
 Կանգնած էր լուռ, իբրև զազիբ  
 Ու սև գործի հայելի:

Ել չը կարաց իրան գսպել  
 Խեղկատակը դառնացած.  
 Նա հեգնօրէն, տխուր ժպտաց,  
 Առաջ գնաց և առաց.  
 «Երզնում եմ ես մեր մե իքի  
 Քաշալ գլխի կատարով,  
 Երզնում եմ ես այն ժողովի  
 Ծարժառիթով, պատճառով,  
 Որ մեր կեանքում միշտ հերոս են  
 Հանդիսանում մկները.  
 Որ ամեն տեղ միշտ գլխից են  
 Հոտում բոլոր ձկները:  
 Եթէ մի ձուկ հաւատարիմ  
 Չէ իր եղբայր ձկներին,  
 Նա կարող է հաւատարիմ  
 Լինել օտար մկներին:  
 Եթէ մէկը ինքըն իրան  
 Չէ բարեկամ մերձաւոր,  
 Միթէ կըլնի նա բարեկամ  
 Օտարներին կեղծաւոր:  
 Ասում են, որ շունը շան միս  
 Չէ ճաշակում բլնաւին,  
 Սակայն հայը ախորժակով  
 Ուտում միշտ է իր հային:

Մեղիք, թէև դու խեղճ Պուղուս  
 Անւանում ես խենթ ու պէլ,  
 Բայց տեսնում եմ, որ պէլերի  
 Թագաւորն ես դու եղել:»

## XVI

Խորհրդաւոր խոր լուծիւն  
 Տիրեց անբողջ պալատում.  
 Փանահ խանը զգաց թախիծ  
 Ու դառը վիշտ իր սրտում:  
 Յնցւեց Մեղիք-Շահնազարը  
 Պըլը-Պուղու խօսքերից.  
 Սիրտը կարծես՝ խոցւեց դաժան  
 Ու թունաւոր նետերից:  
 Մօլլաներըն ու մեծերը  
 Նայում էին շրւարած,  
 Գողգոջ ձեռքով շփում կարմիր  
 Մօրուսները հինալած:  
 Եւ կատաղած Շահնազարը՝  
 Երթունքները կրճելով՝  
 Գուրս վաւընդեց խեղկատակին,  
 Բերնից փրփուր թափելով:

## XVII

Գարձեանլ գիշեր, մասլ գիշեր,  
 Ամեն տեղ մութ ու խաւար,  
 Խաւարի մէջ խորատուզած՝  
 Քնած է լուռ ողջ աշխարհ:  
 Երկնակամարն Արմենիայի  
 Ծածկւած է մութ, սև քողով—  
 Լուսին չը կայ, որ գեղադէմ  
 Ժպտայ վերից իր շողով:  
 Խօլ խաւարում՝ հսկայի պէս՝  
 Ծեր Մասիսըն ալևոր  
 Ամպի տակին կանգնած է լուռ,  
 Իբրև տխուր սգաւոր:  
 Մայր Աթուին Արարատեան  
 Թանձր մշուշ է տիրում,  
 Գմբէթները սուրբ տաճարի  
 Սևացել են խաւարում:

## XVIII

Ո՛վ է այն հէգ բանտարկեալը,  
 Այն թշուառ վիրաւոր,  
 Որ դառնագին հառաչանքով  
 Թնդացնում է սար ու ձոր:

Ո՛վ է լալիս ու պապակում  
 Ազատութեան ծարաւով,  
 Խորհրդաւոր լուծիւնը  
 Այնպէս խախտում գիշերով:  
 Գուցէ Հայոց Արտաւազգըն է  
 Մասիս լեռան անդնդում,  
 Եղթայակապ և յուսահատ,  
 Քաջքերի մօտ հեծկլտում:  
 Կամ Վրաստանի Ամիրանն է,  
 Կապանքներով կաշկանդւած՝  
 Անվերջ լալիս սրտամորմոք,  
 Մութ քարայրում բանտարկւած:  
 Կամ թէ դժբաղդ Պրօմեթէյն է  
 Ժայռին մեխւած հառաչում,  
 Թէ Երլիոնի թշուառ զո՛հն է  
 Բանտի միջին տառապում:  
 Ո՛չ... Այդ Հայոց Մահրասանն է,  
 Այն աբեղան քաջագօր,  
 Որից թուրքը սարսափում էր,  
 Սարսափում էր սար ու ձոր:  
 Վազրի նման՝ քաջ Մահրասան  
 Բանտարկւած է վանդակում,  
 Ազատութեան տենչով լցւած՝  
 Տառապում է մութ բանտում:

Գիշեր-ցերեկ տանջուում է նա, ինչ  
Սիրտը բեկւած ունցաւոտ, շոտարձ  
Խարխափում է սեխաւարում, յոյ՛  
Պայծառ լոյսին միշտ կարօտ...

XIX

Ո՛վ յանդգնեց մերձենալու պայաքից  
Մահրասային անվեհեր, ի վրայ  
Ո՛վ յանդգնեց նորա ձեռից ի նախ  
Խլել սուրբ մահարեր: յոյ՛ մայրս  
Մի՛թէ գոռոզ Շահնագարն է միմ  
Իր խոստումը կատարել, յոյ՛ մայրս  
Թէ պարսիկն է քաջի գլխին նախ  
Լոյս երկինքը սեւացրել: մն միայն  
Ո՛չ: Շահնագարն ու պարսիկը չ'ոյ՛  
Անկարող են և անգոր, յոյ՛ մայրս  
Անկարող են նոքա ընկճել... յոյ՛  
Աբեղային քաջագոր: մայրս մայրս  
Կայ աւելի բարձր մի ոյ՛թ, յոյ՛ մայրս  
Մի ոյ՛թ հզօր, անասան, օփասղատ  
Որի առաջ խոնարհւել է մի վրայ  
Մեր անկուռն Մահրասային: յոյ՛ մայրս  
Օ՛, այդ ոյ՛թը սուրբ է, վեհ, որ  
Անպարտելի ուն հզօ՛ր: մայրս  
Այդ ոյ՛թին է զիմել մատնիչ

Շահնագարը նենգաւոր: յոյ՛ մայրս  
Այդ - մեր Հայոց եկեղեցու, յոյ՛ մայրս  
Սուրբ օրէնքն է մոլեռանդ, յոյ՛ մայրս  
Այն օրէնքը, որ արել է յոյ՛ մայրս  
Մեր աշխարհը քարուքանդ: յոյ՛ մայրս  
Եկեղեցին չէ թոյլ տալիս յոյ՛ մայրս  
Արիւն թափել, ըսպանել: յոյ՛ մայրս  
Պատուիրում է՝ զէպ' թշնամին  
Ներողամիտ միշտ լինել:  
Բայց օտնատակ տըւաւ այդ սուրբ  
Պատուիրանը Մահրասային:  
Նա արիւնով ներկեց աշխարհ,  
Իարձաւ ահեղ մարդասպան:

XX

Եւ հայ ազգի Հովապետը<sup>6)</sup> յոյ՛ մայրս  
Սուրբ Միածնայ Տաճարի յոյ՛ մայրս  
Բանտարկել է արիւնավրէժ: յոյ՛ մայրս  
Մահրասային քաջարի: մայրս մայրս  
Հայրենիքի սուրբ պաշտպանին յոյ՛ մայրս  
Մեղադրել է նա այսօր: յոյ՛ մայրս  
Քաջ Մահրասային բանտարկւած է:  
Իբրև ըմբոստ յանցաւոր... մայրս  
Բանտարկւած է Մայր Աթոռի մայրս



Սառցատանը մուտք, խաւար.  
Յուրտ ու խոնաւ իր բանաթի մէջ  
Տառապուում է վշտահար:  
Թող տառապի, ապշտարի,  
Աղօթք անի ու տանջւի.  
Իսկ աշխարհը թուրքի ձեռքով  
Թող աւերւի ու քանդուի...

## XXI

Մայր Աթոռը պաշարւած էր:  
Արիւնարբու քրդերը<sup>6)</sup>  
Գազանաբար խորտակում են  
Մենաստանի դռները:  
Ճիչ, աղաղակ, զէնքի շաչիւն  
Թնդացնում են աշխարհը.  
Արձագանք է տալիս հեռւից  
Մասիս լեռան կատարը:  
Վառօղի սև, թանձր ծուխը  
Մինչ երկինք է վերանում,  
Ամպի նման՝ արեգակի  
Պայծառ լոյսը խափանում:  
Մենաստանի թւանքչիները  
Պարիսպների վերևից  
Ճիգ են թափում վանքը փրկել  
Գաժան, ահեղ քրդերից:

## XXII

Տառապալի մէջ ծերունագորգ  
Հայրապետը Վեհափառ  
Աղօթում է, որ պահպանի  
Սասունը Գահր մեր թշուառ.  
Նա ձեռները երկինք պարզած:  
Աղօթում է ծնկաչոք,  
Որ Տէր Աստուծ վանքը փրկի  
Ոստիներից անողոք:  
Սակայն իզուր... Նայիր, ահա  
Արիւնարբու քրդերը  
Կոտորում են մենաստանի  
Հսկայական դռները.  
Խորտակեցին, ներս խուժեցին...  
Ահա վանքը սրբազան  
Աւերում է պիղծ թշնամին,  
Իբրև վայրագ, չար գաղան...

## XXIII

Քաջ Մահրասան էլ չի կարող  
Մնալ անձուկ իր բանաթում—  
Մոնչում է, իբրև առիւծ  
Իր երկաթէ վանդակում:

Մութ կամարը տատանելով՝  
 Մռնչում է անհամբեր.  
 Բորբոքում է ու բաբախում  
 Նորա սիրտըն անվեհեր:  
 Ահնքեր տրւէք, նժույգ տրւէք  
 Մահրասային քաջարի.  
 Տես, խնդրում է, նա ուզում է  
 Թշնամու գէտ մաքառի:  
 Հասիր, հասիր, քաջ Մահրասան,  
 Բանտի դուռը խորտակիր,  
 Լուսաւորչի սուրբ Աթոռը  
 Ե՛կ ազատիր ու փրկիր...

## XXIV

Այն ի՞նչ ասեղ շանթեր ընկան  
 Խաւարամած երկնքից.  
 Այն ի՞նչ հսկայ լեռը փլեց  
 Քրդի գլխին վերեւից:  
 Մահրասան է... Ամպերի պէս՝  
 Որոտաձայն գոռալով,  
 Կոտորում է նա քրդերին՝  
 Ահ ու սարսափ սփռելով:  
 Գիշերային կայծակի պէս՝  
 Շողշողում են գէնքերը,

Աշնանային տերեւի սէս՝  
 Վայր են ընկնում քրդերը:  
 Պիղծ թշնամին արիւնշաղախ՝  
 Տապալում է, հառաչում.  
 Պիղծ թշնամին սարսափահար  
 Նահանջում է ու փախչում...

## XXV

Անցաւ արդէն ճգնաժամը:  
 Մայր Աթոռը ազատեց:  
 Մենաստանում ամեն կողմից  
 Աւետարեր ձայն հնչեց:  
 Երկնակամարն ազատեցաւ  
 Մուլլ ու սև ամպերից,  
 Արեգակը նորից պայծառ՝  
 Ուրախ շողաց ելծերից:  
 Եւ վանական եղբայրները  
 Ահա եկան, ժողեցին,  
 Քաջահոգ Մահրասային  
 Օրհնեցին ու գովեցին:  
 Իսկոյն նոքա քաջի համար  
 Սարքեցին տօն փառաւոր,  
 Ութաննայով, եցցէներով  
 Գլղղացրին սար ու ձոր:

XXVI

Աստուածարեալ Հայրապետ  
 Սուրբ պատարագ մատուցեց,  
 Անհուն սիրով Մահրասայի  
 Լայն ճակատը համբուրեց.  
 «Այս օրւանից դու ազատ ես.  
 Գնա՛, որդեանկ, մաքառիր.  
 Փայռի նման՝ կուրծքըդ դէմ անըր,  
 Հայրենիքըդ պաշտպանիր:  
 Ես տեսնում եմ, որ Աստուած է  
 Քեզ ուղարկել հայի մօտ, զմեզ առ  
 Որ բժշկես նորա ցաւը  
 Եւ վերքերըն արիւնոտ:  
 Աստուած թուրրդ ամեն կուռում  
 Անի կտրուկ, զօրաւոր.  
 Աստուած տայ օյժ բազուկներիդ,  
 Որ միշտ լինես քաջագոր:  
 Ինչպէս այսօր դու փրկեցիր  
 Սուրբ Աթոռը քրդերից,  
 Այնպէս էլ թող Տէրը փրկի  
 Քեզ քո արած մեղքերից:  
 Մի ձեռիդ սուր, միւս ձեռիդ խաչ,  
 Գնա՛, կուրծք համարձակ.

XXVII

Թու լամորթին քաջ գործերըդ  
 Թող միշտ լինին օրինակ:  
 Հայրենիքի դու առճանը  
 Թող քեզ տեսնի, տմաչի.  
 Քեզ տեսնելով՝ մեր թշնամին  
 Հային թող լաւ ճանաչի:  
 Թող այսուհետ անմահացնի  
 Քեզ մայրենի աշխարհը.  
 Թող քեզ գովի, փառաբանի  
 Բանաստեղծի քրնարը...

Իբրև յոգնած և ուժասպառ  
 Մի հալածւած չար գազան  
 Ռազմի դաշտից՝ զաղթահարւած  
 Փախչում էր նենգ Փանահ-խան:  
 Յուսահատւած նա փախչում էր  
 Գարգար գետի եզերքով.  
 Նա փախչում էր, իր նժոյգի  
 Մէջքը դադում մտրտկով.  
 Փունչալով՝ սրլանում է  
 Խեղճ նժոյգը քրթնաթոր,  
 Սլանում է նա անդադար,  
 Անցնում լեռներ, դաշտ ու ձոր:

Խանը մենակ ու սարսափած՝  
 Սըլանում էր Պարսկաստան,  
 Որ իր կեանքը փրկե մահից,  
 Գտնի այնտեղ սալաստան:

## XXVIII

Վարանդայում, Ասկարանի  
 Քանդաված, աւեր բերդի մօտ  
 Թափթփւած են պարսիկների  
 Դիակներըն արիւնոտ:

Գարգար գետի ժեռոտ ափը  
 Ողողւած է արիւնով:

Շուրջը թնդում, գըրգում է  
 Խառնիճաղանճ ձայներով:  
 Խոնքում են վրացի, խևսուր,  
 Օս գօրքերը լեռնական,  
 Որոնց արքայ թէյմուրազը  
 Բերել էր մեզ օգնութեան:

Այստեղ են մեր հսկայատիպ  
 Հերոսները յաղթանդամ,  
 Այստեղ են հայ իշխանները՝  
 Մելիք-Իւսուփ և Աթամ<sup>7</sup>:

## XXIX

Սմենեքեան միահամուռ  
 Խորտակել են թուրքերին:

Այժմ նոքա հանուր ուժով  
 Որոնում են Փանահին:

Բայց Փանահը սարսափահար՝  
 Փախուստ տալով մահաւանից,

Արդէն վաղուց հեռացել էր  
 Վարանդայի սահմանից:

Հաւատարիմ իր նժոյգին  
 Մորակելով անդադար,

Հասել էր նա Մայր Արաքսի  
 Ափերը գեղ ու դալար:

Յոգնած խանը մօտեցել էր  
 Խուզափիրին կամուրջին,

Երբ լետեից յանկարծ հնչեց  
 Մի ձայն ահեղ և ուժգին:

## XXX

Եւ այդ ծանօթ, հուժկու ձայնից  
 Յնցւեց խանը սարսափած:

Սանձը ձեռքից նա բաց թողեց,  
 Տերևի պէս դողդողաց:

Եւ երկաթէ հզօր մի ձեռք  
Յանկարծ բռնեց Փանահին,  
Տաշեղի պէս՝ նետից հեռու,  
Զարկեց գետնի բարերին:  
Նա վիրաւոր և ուժասպառ,  
Ուժգին ճշաց, հառաչեց,  
Թաւազլոր փուլեց գետին,  
Հոգւոց հանեց ու լռեց:  
Երբ կիսամեռ խանր նորից  
Բացաւ պղտոր աչքերը,  
Տեսաւ կապած շղթաներով  
Իր ոտներն ու ձեռքերը:

## XXXI

Նորա առաջ հսկայի պէս՝  
Պարթև հասակ, անասան՝  
Ընկերներէ հետ միասին  
Կանգնած էր քաջ Մահրասան,  
Գլխին դրած մորթէ գլխարկ,  
Սև փարաջան ծալած լետ,  
Կողքին կախած իր վեղարը՝  
Կանգնած էր նա խմբի հետ:  
Ըսպառազէն, խոճողադէմ՝  
Կանգնած էր նա անվեհեր:

Նորա տեսքից սոսկում էին  
Դաշտեր, ձորեր ու լեռներ:  
Սրաքս գետը՝ յորձանք տալով՝  
Կամուրջի տակ հստում էր,  
Կարծես՝ Բաղի-Մահրասայի  
Գուլքը պատմում, խօսում էր:

## XXXII

Եւ Մահրասան հեծաւ կայտան  
Իր մոխրագոյն նոխր ձին  
Ու Վարանդա տարաւ իր  
Շղթայակապ Փանահին:  
Տարաւ նորան հայի ահեղ  
Կատաստանին լանձներու,  
Տարաւ իր հետ հայի մազձը  
Նորա գլխին թափելու:  
Նանապարհին լողնած խանը  
Հառաչում էր ու լալիս,  
Սակայն ոչ ոք ազատելու  
Եւ օգնութեան չէր գալիս:  
Նորա երկու բարեկամը՝  
Շահնազար ու Միրզախան՝  
Փախել էին ու Չանախուն՝  
Բերդում գտել բազաստան:

## XXXIII

Բայց Եահնազար՝ ու Միրզախանը՝  
 Չը մնացին ապահով, առ վրդառնամ  
 Շուտով նոքա՝ խանի-նման՝ սո՛ճյաթ  
 Կապկալեցին շղթայով, ապա զգիո՞ր  
 Ղարաբաղի երեք դաժան  
 Հըրէշներին ահաւոր  
 Այժմ գերել, շղթայել են զ՛աՄ ամ  
 Հայերը քաջ և հզօր, յորպայսին զ՛  
 Ուրախութեան աղաղակով աղա՛խ  
 Դըրդում են լեռները, յապիպախի՛րժ  
 Դըրդում են Ղարաբաղի դամ ապո՛ւն  
 Անտառները, ձորերը, միմառաւա՛տ  
 Ամենայն տեղ խինդ ու բերկրանք,  
 Նըւազարան ու տաղեր, մի՛յն աղո՛մ  
 Ամենայն տեղ բուռն հրճւանք, մո՛տ  
 Պար ու ծիծաղ և խազեր, մո՛տ

## XXXIV

Բայց... ծիծաղը լացի փոխւեց, մո՛տ  
 Իսկ երգերը—վէրքերի, մի՛ճ յմա՛ֆ  
 Խնդութիւնը շուտ դադարեց, մո՛տ  
 Մնաց կիսատ ու թերի.—

Շղթայակապ մտանիչները  
 Ու գարշելի Փանահ-խան  
 Յանկարծակի ազատւել են  
 Շղթաներից գերութեան, մո՛տ  
 Ազատւել են կապտնքներից  
 Ոչ սեփական ուժերով,  
 Այլ Վրաստանի նենգ, ընչաքնոց  
 Թէյմուրազի ձեռներով:  
 Հայոց ազգի դաշնակիցը  
 Դաւաճանեց հայ ազգին,  
 Քակտեց կապը սուրբ միութեան,  
 Երկըր-պագեց կաշառքին<sup>9</sup>):

## XXXV

Աւաղ... Ինչո՛ւ, ինչո՛ւ հզօր  
 Եւ քաջարի Մահրասան  
 Պատառ-պատառ չ'արաւ խանին  
 Իր կեռ թրով անսասան,  
 Ինչո՛ւ նորան նա չըսպանեց  
 Արաքս գետի ափի մօտ  
 Ու չը նետեց պղտոր ջուրը  
 Գարշ դիակըն արիւնոտ,  
 Մեղիք-Իւսուփն ու Աթամը  
 Ինչո՛ւ իրանց ոսոխին

Արժաթապաշտ և ուխտագրութիւն  
 Թէյմուրազի մօտ թողին:  
 Այժմ երեք արիւնաբու  
 Գազանները վայրենի  
 Գնացին դարձեալ աներելու  
 Մեր Աշխարհը մայրենի:

XXXVI

Օ՛, սև ամպեր, քանի՜ ծածկէք  
 Ի ուր երկնքի կամարը:  
 Քանի՜ անգամ խաւարեցնէք  
 Ի ուր Ղարաբաղ աշխարհը:  
 Հէնց ուզում է արեգակը  
 Թափել վերից շողերը,  
 Իր շողերով ոսկեզօծել  
 Հայ աշխարհի հողերը—  
 Ամեն կողմից իսկոյն գալիս,  
 Կուտակուում էք միասին,  
 Սփռում նորից մուսլ քօշը  
 Պայծառ ջահի երեսին:  
 Միւնեաց երկի՛նք, աշնան երկի՛նք,  
 Փոփոխական ես դու միւս.  
 Մերթ բերում ես մեզ ուրախ օր:  
 Մերթ տխրութիւն, ցաւ ու վիշտ:

XXXVII  
 Կէտ գիշերին գեղ լուսինը ծամքամ  
 Լող էր տալիս երկնքում,  
 Տխուր նայում դէպի աշխարհը շառ  
 Ու ինքն իրան անորմութում.  
 Մերթ պահում էր ամպերի տակ  
 Նա սարսփով ուղողով,  
 Մերթ ամպերից դուրս էր լիղուս,  
 Կրկին փայլում իր շողով  
 Գանձակի մօտ լեզգիներէ՞  
 Ի հակներ են թափթփած.  
 Ի հակների մէջ անվեհեր  
 Մահրասան է լուռ նստած:  
 Նա յոգնած էր պատերազմից,  
 Ի սպառ տխուր ու մոլոր.  
 Քաջի սիրտը կեղեքում էր  
 Մի զգացիունք ահաւոր:

XXXVIII

Գերեզմանի սառը քարին  
 Նստած է նա միայնակ,  
 Նստած է լուռ, հանգստանում,  
 Շուրջը արիւնք ու գիծ:

Իստան մահը, իբրև սառած  
 Իրականների պահապան,  
 Կանգնած էր լուռ կէս գիշերին ձմ  
 Ահեղ դաշտում զազմական: Ե՛վ բո՛ւ  
 Զարհուրանքը, իբրև անխօս գոռոց  
 Մի ուրևական դժնդակ, յի մցմի յի  
 Մեռելներին միջին հանդարտ հիցմ  
 Թափառում էր լուսնի տակ: աս ամ  
 Տերեախիտ սուսները զիցմսնա հիցմ  
 Սառը քամուց շշնջում, այլապ միկցմ  
 Մի սոսկալի, սրտաճմիկն զիսնմա  
 Իհպը են կարծես զուշակում: անմ

## XXXIX

Ահա լանկարծ արիւնշաղախ  
 Ու յօշոտւած մի դիակ, զուգիս վճար  
 Աչքը բացաւ անթարթ նայեց  
 Մահրասային դժնդակ:  
 Բաջը նստած՝ խոժոռադէմ  
 Նայում էր ցած զլիսակօր,  
 Կարծես՝ վերից դիտում էր իր միգմ  
 Գերեզմանըն թահաւոր: ամ է ծառսմ  
 Եւ ուժասպառ լեզգին՝ տանջւած  
 Իր մըմնջող վերքերից՝

Վերջին ոյժը հաւաքելով,  
 Հանդարտ շարժեց իր տեղից.  
 Գաղտնագողի ու նենգօրէն  
 Հեռուից նայեց զալկացած.  
 Եւ նորա թոյլ ձեռքին լանկարծ  
 Ատրճանակն որոտաց...

## XL

Եւ անողօք, օրհասական  
 Կապարը սև, մահաբեր  
 Խրէց՝ Գալի-Մահրասայի  
 Ժեռոտ կուրծքըն անվեհեր...  
 Գնդակահար առիւծի պէս՝  
 Նա դառնագին մունչաց  
 Եւ՝ խորտակող սարի նման՝  
 Գլորեցնւ գէպի ցած:  
 Մեռաւ քաջը... Խլէց, տարաւ,  
 Տարաւ անգութ սև մահը.  
 Խաւարեցաւ հայ աշխարհի  
 Պայծառ լուսըն ու ջահը.  
 Բանդուէց, ընկաւ վշտի ծովը  
 Մեր փրկութեան փարօսը.  
 Ննջեց առմիշտ, լուէց լուէտ  
 Հայրենիքի հերոսը...<sup>11)</sup>



### ՃԱՆՈՐՈՒԹԻՒՆՆԵՐ

1) Խենթ կամ զիժ արեղայ թուրքերէն Դալի-Մահրասա: Սորա իսկական անունը Աւագ վալ-դապետ էր, բայց ժողովուրդը տուաւ զիժ մականունը: Հին ժամանակներում այս մականունը տալիս էին բաշ Տերոսներին:

2) Մազէ-Վամուրջը՝ Հաւշուայ մօտ:

3) Ղարաբաղի Զրարերդ գաւառում:

4) Պըլը-Պուղի=Պէլ Պուղի, որ նշանակում է խենթ Պողոս: Այդպէս էր կոչում Մելիք-Հասնազարը իր զւարճաբանին:

5) Սիմէն կաթողիկոս քաթաղոյ

6) Զալալի բրդերը

7) Գիւլիստանի Մելիք-Իւսուփը և Զրարերդի Մելիք-Աթամը միացել էին վրաց Թէյմուրազ թագաւորի հետ և ընդհանուր ուժով ուղում էին ոչնչացնել Փանահ-խանի զօրութիւնը: Բոլոր կոիւնների ժամանակ հայ մելիքները հոգում էին իրանց դաշնակցի պիտոյքները և մատակարարում նորա վրացի, խևուր և օտ գորքերի խառնիճաղանձ բազմութեան բոլոր պաշարեղէնները:

8) Չանախչին կամ Աւետարանոցը Վարանդայի զլխաւոր բերդաւանն էր: Առաջ այստեղ էր կենտրոնացած գաւառի իշխանութիւնը: Բայց յետոյ Փանահ-

խան, Չանախչու գիրքը պաշտպանութեան համար դնելով անյուսալի, խորհուրդ տուաւ Մելիք-Հասնազարին հիմնել Հուշուայ բերդը: Այնուհետեւ Հուշին դարձաւ Վարանդայի իշխանութեան և պոշտպանութեան կենտրոնը: Գարգար դեպի մօտ կատարած ճակատամարտում Փանահ-խանի զօրքերը ջարդուում են, ինքը փախչում է դէպի Պարսկաստան՝ իսկ Մելիք-Հասնազարը և Յաչէնի Մելիք-Միրզախանը՝ իբրև Փանահ-խանի դաշնակիցներ, յաղթութիւնից յետոյ փախչում են Չանախչու բերդը և այնտեղ ամրանում: Հայոց և վրաց միացած զօրքերը յարձակում են Չանախչու վերայ, բերդը աւերում և Հասնազարին ու Միրզախանին գերի առնում: 9) Մելիք-Իւսուփն ու Մելիք-Աթամը պատերազմից առաջ պայման էին կապել վրաց Թէյմուրազ թագաւորի հետ, որ սա միայն բաւականար պատերազմական աւարով իսկ Փանահ-խանը, Մելիք-Հասնազարը և Մելիք-Միրզախանը, ըստ պայմանին, պիտի յանձնէին հայերի ձեռքը: Սակայն պատերազմից յետոյ, Թէյմուրազը զանազան պատրաստութիւնով յետաձգում էր այդ երեք չարագործին հայերի ձեռքը յանձնելը, չը նայելով, որ փախտական Փանահ-խանին Գալի-Մահրասան էր բռնել կէս ճանապարհին և կրկին բերել Վարանդա: Աւետարարուժ Թէյմուրազը, բանդելով հայերի հետ կապած պայմանը, գերած Փանային, Հասնազարին ու Միրզախանին տարաւ իր հետ մինչև Գանձակի կողմերը և նոցանից մեծ փրկանք ստանալով, ապստեց գերութիւնից:

10) Երբ 1796 թվին, Քանձակը պաշարել էին Վրաց Հերակլ Թագաւորը և Փանահ-խանի որդի Երբաշխ-խանը (այդ ժամանակ Փանահը սպանւած էր Պարսկաստանում և նորա տեղը Լարաբաղում բռնել էր որդին), սորանց օգնութեան էր եկել և Աւարիայի Օմար-խանը իր լեզգիներով և զանազան յարկերով:

11) Քանձակի պաշարւած բերդումն էին զըտնուում տեղային հայանէր Ջաւատ-խանը և նորա մտերիմ հայոց Մելիք-Մէթրումը իր երկու բաջերի՝ Բալի-Մահրաւայի և Թիւրի-Արդոււմանի հետ միասին Բալի-Մահրաւայի լեզգիների դէմ էր կուռում, իսկ Թիւրի-Արդոււմանը՝ վրացիների դէմ: Սոքա յաճախ իրանց զինակիցների հետ միասին զոճբա էին գալիս պաշարւած բերդից, կայծակի նման՝ նետում թշնամիներն վերայ, նրանց ջարդում և կրկին վերադառնում բերդը: Մի այդպիսի յանդուգն յարձակումից յետոյ, երբ անդգոյշ Բալի-Մահրաւայն յոգնւած նստած էր զիշերով իր ձեռքով սպանւած լեզգիների դիակների մէջ՝ և հանդատնուում, մի կիսաշունչ լեզգի յանկարծ ատրձանակով զարկեց և սպանեց նորան: Բալի-Մահրաւայն սպանեց Քանձակի գերեզմանատան մէջ և թաղեցաւ այդ բազարի Մայր եկեղեցու գաւթում: Այդ ժամ յայտնուեցաւ զամբաստանագրութիւնը:

Յ. Թ.

Ստորագրութիւնը արձանագրութիւն էր իր լեզգիներով և զանազան յարկերով: Ստորագրութիւնը արձանագրութիւն էր իր լեզգիներով և զանազան յարկերով: Ստորագրութիւնը արձանագրութիւն էր իր լեզգիներով և զանազան յարկերով:

Յ Ա Ն Կ

Օ, խնդրում եմ, մի՛ նորոգիր . . . . .	3
Քեզ ի՞նչ օգուտ . . . . .	4
Քանաստեղծը . . . . .	5
Արդեօք ի՞նչ փոյթ ուրիշներին . . . . .	6
Ինչպէս որ իմ անուշ վարդը . . . . .	7
Մարգարէ չեմ—գուշակում եմ . . . . .	8
Աղաչում եմ . . . . .	9
Մի հրաշքով . . . . .	10
Մի՛ զարմանար . . . . .	11
Դո՛ւք . . . . .	12
Նա որին մենք նէ ենք ասում . . . . .	13
Երբ լուսինը գեղածիծաղ . . . . .	14
Գեղեցկուհի՛ . . . . .	15
Երբ ժպտում էր ուրախ, զւարթ . . . . .	16
Տիկիները, օրիորդները . . . . .	17
Թո՛ղ թառամեն . . . . .	18
Օ՛, երկնքի մոսյլ ամպեր . . . . .	19
Երնէ՛կ կուրծքս մի լեառ լինէր . . . . .	20
Իմ հարազատ հէզ եղբայրը . . . . .	21
Ա՛խ, մինչև ե՛րբ թողնես դու ինձ . . . . .	22
Արեգակի ջերմութիւնից . . . . .	23
Այն օրւանից . . . . .	24
«Ասա՛, պօէ՛տ» . . . . .	25
«Քաւական է, լո՛ւր, երգի՛ջ» . . . . .	26

Թէպէտ երգս բարձրալուր է . . . . . 27

Կուրծքս մաշող, սիրտս պրող . . . . . 28

Մոսյլ խաւար ամպերը չեն . . . . . 29

Երբ մեր աղբը . . . . . 30

Թող ծանակեն նւագներս . . . . . 31

Հուր-արեգակ, լոյս-արուսեակ . . . . . 32

Վարդա ու դարդս . . . . . 33

Ծաղկոց մոսյ . . . . . 35

Քո սէրը . . . . . 37

Գնաց... Թոսւ . . . . . 38

Թօշնած վարդը . . . . . 39

Աւերակների մէջ . . . . . 40

Դալի-Մաշրասա . . . . . 41

Ծանօթութիւններ . . . . . 76



ՀՀ Ազգային գրադարան



NL0339931

31982

